

MANIFESTACIOUN

Pèr l'ensignamen di lengo regiounalo, lou comte es bon, 250 en Arle e 800 à Paris... (pajo 2)



Prouvènço d'aro

Tóuti li mes, lou journau de la Prouvènço d'aro

Janvié de 2020

n° 361

2,10 €

En Arle

Poudian pas èstre d'en pertout, la manifestacioun en vilo d'Arle recampè forço mounde, mai Tricio Dupuy a pas manca de demanda d'entre-signè à-n-un di baile de l'ourganisacioun d'aquelo revendicacioun demandant l'ensignamen de la lengo prouvençalo. A rescountra Jan-Pèire Vianès, lou president de l'Uniuon Prouvençalo.

T. D. - Jan-Pèire, un rassemblemen pèr la desfènso dóu prouvençau èro ourganisa en Arle. D'àutri Prouvençau an fa la chausido de participa à-n-uno manifestacioun à Paris. Coume president de l'Uniuon Prouvençalo, quèti soun tis impressioun generalo sus aquesto recampado? Pènses



que lou ministre vous a entendu?
J.-P. V. - D'un biais generau, se sian reünì pèr la reconeissènço de nosto lengo e pèr la desfènso de nosti tradicioun. Espèrè qu'aqueüli dous rassemblemen an atira l'atencioun dóu ministre.

Faci à 250 persouno, li preso de paraulo se soun sucedido. La de Jan-Pèire Vianès, Patrick Laugier (president de l'assouciacioun di ganaderos francés), Magali Gillet (proufessouro de prouvençau), Thomas Pagnon e Rémi Vata (president e soute-president de l'Uniuon di Jouine de Prouvènço e de Lengadoc) e Jan-Pèire Richard (president dóu Collectif Prouvènço).

T. D. - Fuguerias reçaupu pèr d'elegit arlaten? À Paris, uno delegacioun d'elegit deviè èstre reçaupudo au menistèri, emé subre-tout li dous deputat à l'ourigino dóu Collectif "Pour que vivent nos langues": lou Corse François Alfonsi (deputat èuropèen) e Paul Molac (deputat dóu Morbihan).

J.-P. V. - À Arle, lou Councèu Regiounau e lou Councèu Despartamentau èron bèn representa. De parlamentari èron presènt, e tambèn de noumbrous elegit loucau coume lou maire d'Arle. Avèn counvida tóuti lis elegit à nous sousteni pèr la reconeissènço de la lengo e pèr lou mantèn de nosti tradicioun.

L'Uniuon Prouvençalo es pas encaro enfourmado dóu resultat d'aquesto counsultacioun.

T. D. - En Prouvènço, en aquest jour, la miso fuguè doublado (o divisado, segound lis avejaire...). À Paris, lou matin, se debanavo uno manifestacioun naciounalo tambèn pèr la desfènso di lengo regiounalo. Aurié-ti pas faugu faire uno souleto acioun? 800 +

Sian esta dins Paris



250 manifestant, es pas gaire... Coume tout lou mounde lou dison, fau faire front ensèn...

J.-P. V. - Lou rassemblemen d'Arle èro prougrama, avèn pas agu l'empressioun de divisioun.

T. D. - Pamens tout lou mounde es aqui pèr desfèndre la memo causo?

J.-P. V. - La resoun d'aquesto divisioun? La manifestacioun naciounalo, à Paris, "es poutado pèr d'elegit en manco de poultico", e acò ié voulèn pas respondre.

Councernant l'Uniuon Prouvençalo, i'a ges de resoun de divisioun. Uno granda majourita de Prouvençau presènt soustèn indifèrentamen li divers mouvamen que s'implicon dins la reconeissènço de la lengo e lou mantèn de nosti tradicioun.

T. D. - Pènses-ti pas que saren entendu que pèr lou biais de la poultico?

J.-P. V. - L'Uniuon Prouvençalo a counvida lis elegit presènt à faire remounta lis enfourmacion devers lis edile naciounau. Pènsè qu'es tambèn pèr l'intervencioun de nosti elegit de l'ensèn la Regioun que nosti revendicacioun poudran abouti.

T. D. - La revendicacioun majo es evidentamen la reformo dóu bac, mai tambèn que lou prouvençau es en concurrenci emé d'àutri lengo vivènto mai emé un coufèciènt defavourable.

J.-P. V. - De-segur l'Uniuon Prouvençalo a evouca aqueste problèmo e fai counèisse soun inquietudo qu'es, elo, direitamen councernido pèr l'ensèn dis acioun que meno dins tóuti li despartamen de Prouvènço e subre-tout quand uno de sis acioun principalo, lou counours di Jouine de Prouvènço counfia pèr la Regioun, interèsso tóuti lis annado, tóuti lis establiment

escolari emé la prouducioun, bon an mal an, de mai de 1200 participacioun en lengo prouvençalo.

T. D. - Au contro, pènses-ti pas que l'elevege di toros de Lidia (raço espagnolo de biòu de coumbat) es un pau foro sujèt?

J.-P. V. - Persounalamen, sièu pas trop amateur de corrida, mai es un espetacle que fai partido de nosti tradicioun prouvençalo coume pèr eisèmples la casso à courre dins d'àutri regioun.

T. D. - De-segur es lou gouvèr que fau counvincre! mai à Paris i'aviè de delegacioun vengudo de Bretagno, dóu País basque, de Corso, d'Alsaço... e de Prouvènço e demié éli Sabino Mistral, XVenco Rèino d'Arles, lou Felibrige...

J.-P. V. - Es tambèn moun avejaire...

Manifestacioun pèr la lengo

La fauchiho de l'Estat francés sagato li lengo regiounalo...

Pajo 2

Carle Sorel Rouman negre

Lou proumié rouman de mour en terraire francés fuguè escri pèr aquel ome.

Pajo 3

Anniversari de fraire Savinian

Lou felibre majurau, pouèto, aposto de l'ensignamen dóu prouvençau,...

Pajo 6